



‘নাঃ, বিজ্ঞাপনে কাজ হয় সত্যিই !

হর্ষবর্ধন এসে ধপ করে বসলেন আমার ডেকচেয়ারে । হাঁফ ছেড়ে বললেন কথটা ।

‘হ্যাঁ, কথটা আপনার যেমন বিজ্ঞাপনসম্মত তেমনি বিজ্ঞানসম্মতও বটে ।’
বিজ্ঞাজনের মতই তাঁর কথায় আমার সায় ।

‘সেদিন আপনাকে দিয়ে আনন্দবাজারে বার করার জন্যে সেই বিজ্ঞাপনটা লিখিয়ে নিয়ে গেলুম না ?……’

‘হ্যাঁ, মনে আছে আমার !’ আমি বললাম : ‘রাতের পাহারা দেবার জন্যে লোক চাই—সেই ত ?’

‘আমাদের কাঠের কারখানায় রোজের বিক্রির বহু টাকা পড়ে থাকে ক্যাশ ব্যাল্সে, বাড়ি নিয়ে আসা সম্ভব হয় না, পরদিন সে টাকা সোজা গিয়ে জমা পড়ে ব্যাল্সে—সেই কারণে, রাত্রে টাকাটা আগলাবার জন্যেই কারখানায় থাকবার একজন স্তদক্ষ লোক চেয়েছিলাম আমরা ।……’

‘রাতের চার প্রহর পাহারা দেবার জন্য স্তদক্ষ এক প্রহরী । বেশ মনে আছে আমার ।’ আমি বলি : ‘আমিই ত লিখে দিলাম কপিটা । তা, কিছ, ফল পেয়েছেন বিজ্ঞাপনটা দিয়ে ?’

‘পেয়েছি বহু ফল । বলতে কি, সেই কথটা জানাতেই ত আপনার কাছে ছুটে আসা ।’

‘ফল বলতে!’ গোবরাও এসেছিল দাদার সঙ্গে : ‘রীতিমতন প্রতিফল পাওয়া গেছে বলা যায়।’

‘কটা সাজা এলো?’ আমি শূধাই।

‘আপাতত একটাই।’ ওর দাদা বলেন : ‘ক্রমশ আরও সাজা পাবো আশা করছি। আপাতত এই একটাই।’

‘ওই একটাতেই সাজা পড়ে গেছে।’ সাজা পাওয়া যায় গোবরারও!—‘সাজা পড়ে গেছে সারা চেতলায়।’ সে জানায়।

‘দুই ইঞ্চি বিজ্ঞাপনের দরদন দুশো টাকা। তা নিক তাতে দুঃখ নেই। সে দুই গুণেরই বা দাম দেয় কে?’

‘দুশো টাকার বিজ্ঞাপন দিলে অস্ত্র তার দুশো গুণ লাভ ত হয়ই কারবারে—তা নইলে লোকে দেয় কেন?’

‘এখানেও বেশ লাভ হয়েছে লোকটার। দুশো গুণেরও ঢের বেশি।’

‘প্রায় ছয়শো গুণ—তাই না দাদা?’ হিসেব করে বলে ভাইটি : ‘ষাট হাজার টাকার মতই ছিল না বাস্তবায়?’

‘প্রায় আশি হাজারের কাছাকাছি। বিলকুল ফাঁক!’

‘আশি হাজার টাকা হলে কত হয়?’ গোবরা আঙুল দিয়ে আকাশের গায় পারসেপ্টের আঁক কষতে লাগে।

আমার সামান্য বুদ্ধির আঁকশি দিয়ে ওদের হিসেবের নাগাল পাই না—‘বিলকুল ফাঁক! তার মানে?’ শূধাই দাদাকে।

‘মানে কাল সকালের কাগজে বিজ্ঞাপনটা বেরুল না আমাদের? আর কাল রাত্তিরেই কারখানার সিঁধ কেটে চোর ঢুকে সমস্ত টাকা নিয়ে সরে পড়েছে। আজ কারখানা খুলতে গিয়ে দেখি কাশবাক্স ভাঙা।’

‘অ্যা?’ আঁতকে উঠি আমি : ‘তা, খবর দিয়েছেন পদুলিসে?’

‘পদুলিসে খবর দিয়ে কী হবে? আমাদেরই পাকড়ে নিয়ে যাবে থানায়। এইসাতানা হ্যাঁচড়া লাগবে যে বাপ ডাক ছাড়তে হবে। এখন নিজেদের কারবার দেখব না থানা-পদুলিস করব?’ বলেন হর্ষবর্ধন : ‘আর চোর যা ধরবে ওরা, তা আমার জানা আছে বিলক্ষণ!’

‘আমি ধরতে পারি চোর।’ বলল গোবরা : ‘তা দাদা আমায় ধরতেই দিচ্ছে না।’

‘হ্যাঁ বললেই হলো চোর ধরবো! ওদের কাছে ছোরা-ছুরি থাকে না? ধরতে গেলেই ছুরি বাসিয়ে দেবে ঘ্যাচাং করে! ভর্দী ফাঁসিয়ে দেবে এক কথায়। ওর মতন নাবালক একটা ছোড়াকে আমি ছুরির মুখে ঠেলে দেব—আপনি বলছেন?’

‘কি করে বলি!’ বলতে হয় আমায় : ‘ওসব ছোরাছুরির ব্যাপারে আমাদের স্বাক্ষরের না থাকাই ভালো।’

‘আমি কিছু অক্রেপে ধরে দিতাম। কোনো ছোরাছুরির মধ্যে না গিয়েও
—স্রেফ গোয়েন্দাগিরি করেই।’

‘কি করে ধরতিস?’

‘ঐ মাটি ধরেই।’

‘ও মাটিতে বুদ্ধি পায়ের ছাপ পড়েছে চোরের?’ আমি কৌতূহলী হই :
‘কারখানার মাটিতে পায়ের দাগ রেখে গেছে চোররা? কবরখানা খুঁড়ে গেছে
নিজের?’

‘দাগ না ছাই!’ মূখ বিকৃত করেন হর্ষবর্ধন : ‘সিগ্রেটের ছাইও ফেলে
যায়নি একটুকু! কী নিয়ে গোয়েন্দাগিরি করবি শূনি?’

‘কারখানার মাটি নয়, সেই মাটি। বলে না যে—যে মাটিতে পড়ে লোক
ওঠে তাই ধরে? সেই মাটি ধরেই আমি চোর ধরব।’ ফাঁস করে গোবরা।
‘বিজ্ঞাপনটা দিয়ে মাটি হয়েছে ত! ঐ মাটি দিয়েই আমার কাজ হাসিল করব
আমি।’ হাসিখুশি হয়ে সে জানায়।

ওর রহস্যের আমি থই পাই না। এমন কি ওর দাদাও থ হয়ে থাকেন।

‘ই্যা চোর ধরবে গোবরা!’ বলে তিনি উসকে উঠলেন একটু পরেই : ‘তাহলে
...তাহলে তখন ধরলো না কেন? এর আগেও ত জিনিস চুরি গেছিল আমাদের।’

‘এর আগেও গেছে আবার?’

‘ই্যা আমিই তো চুরি গেছলাম।’ হর্ষবর্ধন ব্যক্ত করেন।

‘তোমার জিনিস নাকি?’ প্রতিবাদ করে গোবরা : ‘বৌদির জিনিস না
তুমি? তুমি কি তোমার নিজের জিনিস—নিজস্ব?’

‘ওই হলো?’ বলে ফাঁস করলেন দাদা : ‘কেন তুইও কি চুরি যাসনি
আমার সঙ্গে? তুই ত আমার জিনিস। আমি তোর অভিভাবক না? তখন
চোর ধরতে কী হয়েছিল তোর?’

‘তারপর? চোরের হাত থেকে উদ্ধার পেলেন কি করে?’ আমি জিজ্ঞেস
করি।

‘যেমন করে পায় মানুষ।’ তিনি জানান : ‘চুরির খন বাটপাড়িতে যায়
শোনেননি? তারপর চোরের হাত থেকে বাটপাড়ের হাতে গিয়ে পড়লাম
আমরা।’

‘বটে বটে?’ আমার সর্কোতুক কৌতূহল : ‘তা শেষমেষ উদ্ধার পেলেন
ত? পেতেই হবে উদ্ধার শেষ পর্যন্ত। গোয়েন্দাকাহিনীর দস্তুর। তা উদ্ধার
করল কেটা?’

‘ডাকাত এসে পড়ল শেষটায়। ডাকাত আসতে দেখেই না বাটপাড় ব্যাটা
ভৌদৌড়!’

‘ডাকাত এসে পড়ল আবার তার ওপর?’

‘ই্যা, ওর বৌদি ব্যপের বাড়ি থেকে ফিরে যেই না ডাকগোড়ায় এসে

হাঁকডাক শব্দ করেছ তাই না শব্দে নিচে উঁকি মেরে দেখেই না, সেই বাটপাড়টা সঙ্গে সঙ্গে উধাও! খিড়কির দোর দিয়ে সটাং!...বোঁ না তো ডাকাত!’

‘আমার ডাকসাইটে বৌদির নামে যাতা বলো না, বলে দ্বিচ্ছি।’ গোঁসা হয় গোবর্ধনের।

‘ওই হলো! তোর কাছে যা ডাকসাইটে আমার কাছে তাই ডাকাত-সাইটে।’

‘যেতে দিন।’ পারিবারিক কলহের মাঝখানে পড়ে আমি ম্রিটিয়ে দিই : ‘আপনাদের চুরি যাওয়ার কাহিনীটা বলবেন ত আমার। সেবারকার আপনাদের যুদ্ধে যাওয়ার গল্পটা বেলোছিলেন, তাই লিখে দু পয়সা পিটোঁছিলাম, এবার এটার থেকেও...’

‘বলব আপনাকে এক সময়। কারখানার জন্য এখন একটা লোহার সিন্দুক কিনতে যাচ্ছি। চোর বাবাজী আবার ঘুরে এলেও সেটা ভাঙা আর সহজ হবে না তার পক্ষে এবার।’

পরদিন সকালে শ্রীমান গোবর্ধন এসে হাজির। ‘দেখুন এই বিজ্ঞাপনটা যাচ্ছে আজ আনন্দবাজারে, দেখুন ত ঠিক হয়েছে কিনা?’

গোবর্ধন তার কালজয়ী সাহিত্যকীর্তিটি আমার হাতে দেয়।

বিজ্ঞাপনের কপিটিতে ওদের চেতলার বাসায় ঠিকানা দিয়ে লেখা আছে দেখলাম—প্রাইভেট ডিটেকটিভ আবশ্যিক। আমাদের বাড়ির একটি ঘরে বহুমূল্য তৈজসপত্র রক্ষিত আছে, সেই ঘরের গা লাগাও একটা জলের পাইপ উঠে গেছে নোজা উপরে—সেই নল বেয়ে কেউ যাতে না উঠতে পারে সেই দিকে সারা রাত্রি নজর রাখার জন্য বিচক্ষণ এক গোয়েন্দার প্রয়োজন। উপযুক্ত পারিশ্রমিক।’

বুঝছি! জলে যেমন জল বাধে’ আমি ঘাড় নাড়লাম, ‘তের্মনি বিজ্ঞাপনটা দিয়ে ঐ রকম আরেকটা কাণ্ড বাধাবে তুমি দেখছি। চোরটা যেই পাইপ বেয়ে উঠবে আর তোমার ঐ ডিটেকটিভ গিয়ে হাতেনাতে পাকড়াবে তাকে। এই তো?’

‘সে আপনি বুঝবেন না। সেসব আপনার মাথায় খ্যালে মা।’ বলে চলে গেল গোবরা।

দিনকয়েক বাদে একটা লোক এসে ডাকছে ‘আমায়—‘আসুন আসুন। চটপট চলে আসুন আমার সঙ্গে।’

অপরিচিত আহ্বানে আমি থতমত খাই—‘আপনি...আপনাকে তো আমি...’

‘চিনতে পারছেন না আমাকে? ছদ্মবেশে রয়েছি কিনা,’ বলে লোকটা তাম গৌফদাড়ি খুলে ফ্যালে।

‘ওমা ! গোবরা ভায়া খে ! এমন অশুভ বেশ কেন হে ?—এর মানে ?’

‘চোর ধরতে যাচ্ছি না ? ডিটেক্টিভকে ছদ্মবেশে ঘোরাফেরা করতে হয় না তো ? আপনার জন্যেও একজোড়া দাড়িগোঁফ এনেছি, পরে নিন চট করে...’

‘আমি, আমি, আমি আবার পরব কেন ?’

‘আপনাকে ও ছদ্মবেশ ধারণ করতে হবে না ? আপনি আমার শাগরেদ তো এ যাত্রায় । রেকের যেমস স্মিথ, বিমলের যেমন কুমার । তেমন আমার সহযোগী গোয়েন্দা যখন তখন আপনাকেও ত...’

‘তুমি পরলেই হবে । আমাকে আর পরতে হবে না ছদ্মবেশ ।’ বললাম আমি : ‘দাড়িওয়াল লোকের ছায়া আমি মাড়াই নে, জানে সবাই । তোমার সঙ্গে ঘুরলে কেউ আর আমায় আমি বলে সন্দেহ করবে না ।’

‘তাহলে চলে আসুন চটপট । এই ফাঁকে চেতলার বাজারটা ঘুরে আসি একবার ।’ বলল সে : ‘দাদাও আবার বাজার করতে বেরিয়েছেন কিনা এখন । পাছে আমায় চিনতে পারেন, আমার ছদ্মবেশধারণের সেও একটা কারণ বটে—বদ্বলেন ?’

‘বুঝেছি ।’ বলে বেরুলাম ওর সঙ্গে । বাজারের মৃদুখানাগুলোর পদশব্দে যাবার সময় হঠাৎ একটা লোককে জাপটে ধরে চেঁচিয়ে উঠেছে গোবরা—‘ধরেছি—ধরেছি চোর । পাকড়েছি ব্যাটাকে । একটা পাহারোলা ডেকে আনুন তো এইবার ।’

কোনই দোষ করেনি লোকটা । মৃদুর সঙ্গে তেজপাতার দরকষাকষি করছিল কেবল, এমন সময় গোবরা ঝাঁপিয়ে পড়েছে তার ঝড়ে । এমন খরাপ লাগল আমার !

লোকটা বাবারে মারে বলে হাঁক পাড়তে লাগল । আর গোবরাও দাদাগো ! বোর্দিগো ! বলে চেঁচাতে থাকে ।

কাছেই কোথাও বদ্বি বাজার করছিলেন দাদা । ভায়ের হাঁক-ডাকে এসে হাজির—‘কী হয়েছে রে ? এমন ঝাঁড়ের মতন চিল্লাচ্ছিস কেন ?’

‘পাকড়েছি তোমার চোরকে—এই নাও । ধরো ।’

লোকটা তখন হর্ষবর্ধনের পা জড়িয়ে ধরে—‘দোহাই বাবু ! আমাকে পদূলিসে দেবেন না । দোহাই ! সেদিন আমি দু বছর খেটে বেরিয়েছি এবার গেলে ছ-বছরের জন্য ঠেলে দেবে জেলে ।’

‘বেশ দেব না পদূলিসে । বের করে দাও আমাদের মালপত্তর ।’ গোবরার তাম্বু ।

‘সব বার করে দেব বাবু—চলুন !’ সক্রতজ্ঞ লোকটা আমাদের সঙ্গে নিয়ে তার বাস্তির কুঠুরীতে যায় । বের করে দেয় হর্ষবর্ধনের আশি হাজার টাকার নোটের বাগুিল ।

‘আর আমার তৈজসপত্র ? সেসব গেল কোথায় ?’

গোবরার রোয়াব ।


‘ওই যে ওই কোণায় ধরা রয়েছে বাবু ! নিয়ে যান দয়া করে ।’

ঘরের কোণে দুটো বস্তা পাশাপাশি খাড়া-করা দেখলাম । এগিয়ে গিয়ে উঁকি মেরে দেখি...গিয়ে উঁকি মেরে দেখি..... দেখছি যে.....‘এই কি তোমার.....’

‘তৈজসপত্র ।’ জানায় গোবর্ধন । ‘তেজপাতাকে সাধু ভাষায় কী বলে তাহলে ? তৈজসপত্র বলে না : লেখক মানুষ হয়ে আপনি বাংলাও জানেন না ছাই ?’

অবাক করল গোবর্ধন ! কী বলে ও ? বাঙালি লেখক হতে হলে আবার বাংলা ভাষা জানতে হয় নাকি ? আশ্চর্য !

Chor Dharlo Gobardhan by Shibram Chakrabarty



For More Books & Music Visit www.MurchOna.com

MurchOna Forum : <http://www.murchona.com/forum>

suman_ahm@yahoo.com

s4suman@yahoo.com